

## FILIMO

### *Pɔlu Filimo sáabukpanaa*

<sup>1</sup> Makū Pɔlu kū ò ma da kpésiran Kirisi Yesu yāi kū ó Yesude dake Timotio, ókɔnɔ mé o takada díkína kènne, ó zíkəri dake yenyíde Filimo <sup>2</sup> kū sɔsi gbě kū òdi kɔ kakara n beanɔ kū ó nɔgbě yenyíde Afiao kū ó zíkəri dake Akipuo. <sup>3</sup> Luda ó De kū Dikiri Yesu Kirisio gběke kenne, à n gba aafiaa.

<sup>4</sup> N yā dìgɔ dɔmagu gɔɔ sɪnda pínki ma ad-uakenaa gūn, madìgɔ ma Luda sáabu kpá, <sup>5</sup> zaakū ma Dikiri Yesu náani kū nten ke baaruu mà kū yenyí kū n vī kū Luda gběɔ n pínki. <sup>6</sup> Madìgɔ wé ke, de ó kunna kɔo Yesu zén tó n wé kē yā mana kū ó vī kunna Kirisi gūn pínki musu. <sup>7</sup> Ma gbě, n yena Luda gběɔi ma pɔ kè nna manamana, à ma laakarii kpàtemene, zaakū n n laakarii kpàteíne.

### *Pɔlu kutekena Filimɔne Onesimu yā musu*

<sup>8</sup> Abire yāi, bee kū ma zé kà Kirisi gūn mà yā kū à mana n ke ditenne, <sup>9</sup> bee kū abireo ma kúte kènne kū yenyío. Makū Pɔlu, ma mare zɔkɔ ina kū ma kunna kpésiran tera Kirisi Yesu yāiio, <sup>10</sup> ma kúte kènne Onesimu yā musu kū à gɔ ma né ũ Yesu zé gūn kpésiran la yāi. <sup>11</sup> À anfāni vīnne yāro, ama tera à anfāni vī makū kū mɔkɔnwoone. <sup>12</sup> Ma a gbàemma, àkūme ma swè ũ. <sup>13</sup> Ma kunna kpésiran baaru nna kpana yāi, má ye àgɔ kú ma sare, de àgɔ kpámai n gēne ũ, <sup>14</sup> ama má ye mà yāke ke n lé sariro, de òsun yā mana kemene tilasiro, séde kū n poyeinaao. <sup>15</sup> Ke anigɔ Onesimu kemma yā gɔɔ

pla de à era à summa àgõ kú kúnwo gɔrɔ s̄inda pínki yáime. <sup>16</sup> À kun lán zòò bà doro, zaakū à de zò la, à de n gbē yenyīde ũ kunna Kirisi gūn. Ma gbē yenyīdemε. Oni mɔkɔn kū à de n zò ũ, akūsõ à gò n gbē ũ Dikiri gūn pó o dɔ yá?

<sup>17</sup> Abire yāi tó n ma dite n gbēndo ũ, ñ gbānake kpái, lákū ñni kpámai nà. <sup>18</sup> Tó à zànnε yākea ke tó à n fīna kūna, abire gò ma yā ũmε. <sup>19</sup> Makū Pɔlu makū mé ma yā díkīna kè kū ma zīda ɔo, mani n fīna bonne. Kū ñ ma fīna kūna n zīda wèndi ũ, mani lé páaro. <sup>20</sup> Tò, ma gbē, kunna Dikiri gūn ñ yā mana kemεnε, ñ ma laakari kpátεmεnε ó kunna Kirisi gūn yāi.

<sup>21</sup> Ma takada dí kènnε, kū má dõ kū ñni ma yā ma, akūsõ ñni ke de yā kū ma ònnela. <sup>22</sup> Abire gbera ñ kipaki kekεmεnε dɔ, zaakū má wé dɔi Luda ni ma boáε wéke kū áten kea yāi.

### *Lézammanaa*

<sup>23</sup> Epafara kú ó kú leeε kpésiran Kirisi Yesu yāi fɔ kpàmma <sup>24</sup> kú ma zīkeri dakenɔ Maaku kú Arisitakuo kú Demasio kú Lukuo. <sup>25</sup> Dikiri Yesu Kirisi gbēke keáre.

**Luda yá takada kú Bisá yáo**  
**Portions of the Holy Bible in the Busa language of**  
**Nigeria**

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

---

PDF generated using Haiola and XeLaTeX on 11 Nov 2022 from source files dated 9 Oct 2020

8631d380-7d17-5581-abf9-174814e8ccc3